

Najib Dan Isteri Berbuka Puasa Bersama Ulama, NGO Islam Dan Mubarak Bernama
July 14, 2014

PUTRAJAYA, 14 Julai (Bernama) -- Perdana Menteri Datuk Seri Najib Tun Razak dan isteri Datin Seri Rosmah Mansor malam ini berbuka puasa bersama para ulama, badan bukan kerajaan (NGO) Islam dan Majlis Bekas Wakil Rakyat Malaysia (Mubarak) di Seri Perdana di sini.

Sebelum itu Perdana Menteri menyampaikan replika cek bernilai RM1.8 juta kepada Menteri di Jabatan Perdana Menteri Datuk Seri Jamil Khir Baharom yang turut hadir untuk diagih kepada NGO Islam.

Selain itu, Najib turut menyaksikan penyerahan memorandum persefahaman (MOU) mengenai Program Pembangunan Pondok Digital Malaysia oleh Yayasan Pondok Malaysia kepada Multimedia Development Corporation.

Selesai iftar, Perdana Menteri dan tetamu menunaikan solat Maghrib berjemaah serta solat hajat bagi mendoakan keselamatan penduduk Palestin di Gaza yang diimamkan oleh Mufti Wilayah Persekutuan Dr Zulkifli Mohamad Albakri.

Pada majlis itu Najib dan isteri turut menyampaikan sumbangan hari raya kepada 89 anak-anak yatim daripada Persatuan Kebajikan Anak-Anak Yatim Wilayah Persekutuan.

-- BERNAMA

Copyright © 2014 BERNAMA

Source: <http://www.bernama.com/bernama/v7/bm/newsindex.php?id=1053605>